

DIREKTOR UPRAVE ZA INDIREKTNO OPOREZIVANJE BiH JE U SKLADU  
SA SVOJIM OVLAŠTENJIMA DANA 13.01.2005.godine DONIO

NAREDBU

o nadležnosti carinskih ispostava za carinjenje određenih roba

1. Robe iz glava 42, 43, 50-64 Carinske tarife BiH ("Službeni glasnik BiH" broj 40/03) porijeklom iz zemalja Azije i Afrike, bez obzira na zemlju izvoznicu, namijenjene za dalju prodaju, podvrgavat će se carinskim procedurama u carinskim ispostavama: Tuzla, Mostar, Banjaluka i Sarajevo.
2. Robe navedene u tač. 1 ove Naredbe (u daljem tekstu: Naredba), prilikom ulaska u carinsko područje BiH, obavezno se vagaju na graničnim prelazima (referatima) na kojima su instalirane vage, nakon čega se vozaču izdaje vagačka kartica koju je obavezan prezentirati prilikom carinjenja u carinskim ispostavama iz tač. 1 Naredbe.
3. Roba iz tač. 1 Naredbe koja se upućuje s graničnih prelaza (referata) na kojima nisu instalirane kolske vage, carinski službenici u carinskim ispostavama iz tač. 1 Naredbe uputit će se na vaganje, a izvršit će i provjeru vaganja robe upućene s graničnog prelaza u slučajevima osnovane sumnje.
4. Ukoliko se radi o kombinovanim pošiljkama koje sadrže i robe navedene u tač. 1 Naredbe, granični prelazi (referat) će je upućivati na carinjenje u carinske ispostave iz tač. 1 Naredbe.
5. Nalažem da se u toku vođenja carinskog postupka u carinskim ispostavama iz tač. 1 Naredbe posebna pažnja posveti detaljnom fizičkom pregledu robe uz sravnjavanje s uvoznom pratećom robnom dokumentacijom uz poseban osvrt na dokumentarni pregled (prikazane cijene u fakturi, paritet isporuke, visinu transportnih troškova) i drugu dokumentaciju potrebnu kod provođenja carinske procedure.  
U slučajevima osnovane sumnje u ispravnost uvozne robne dokumentacije, šef carinske ispostave odmah će na adekvatan način obavještavati Odsjek za provođenje i poštivanje carinskih propisa (grupa za istrage, obavještavanje i suzbijanje krijumčarenja ) UIO.
6. Naredba se ne odnosi na robe koju putnici sobom nose za svoje lične potrebe, potrebe svoga domaćinstva i na robe namjenjene za poklone koje nemaju komercijalni karakter.
7. Zadužuju se šefovi carinskih ispostava iz tač. 1 Naredbe da tokom svakog ponedjeljka za proteklu sedmicu Odsjeku za carine UIO Banjaluka dostave preglede o izvršenom carinjenju roba iz tač. 1 Naredbe prema nižem tabelarnom prikazu

Carinska ispostava \_\_\_\_\_

R.br.	JCI Br. Datum	Uvoznik	Zemlja porijekla robe	Vrsta robe (kratak opis iz JCI)	Količina kg	Prijavljena fakturna vrijednost (KM)	Paritet Obračunati transp. trošk. (KM) (relacije)	Carinska osnovica (KM)	Korigovana carinska vrijednost (KM)	Uvoznik uložio prigovor (DA/NE)
			Zemlja izvoza							
1.		3.	4.	5.	6.	7.	8.	9.	10.	11.

Za robe iz tač. 1 Naredbe za koje nije korigovana carinska osnovica, carinske ispostave uz tabelarni prikaz navedenom Odsjeku UIO dostavit će fotokopiju uvoznih faktura.

8. Carinjenje visokotarifne robe i robe iz glava 01 i 02 Zakona o carinskoj politici BiH, vršit će se u svim carinskim ispostavama na području BiH.

9. Regionalni centar, na adekvatan način, upoznat će sve carinske ispostave i referate i sve učesnike u carinskom postupku (uvoznike, transportne organizacije i špeditere) o sadržaju Naredbe.

10. Nepoštovanje Naredbe ima za posljedicu težu povredu službene dužnosti.

11. Ovom Naredbom stavljaju se van snage:

- Naredba direktora UIO Broj: 02-195 od 20.05.2004.godine i sva data naknadna objašnjenja;
- Naredba direktora UIO Broj: 02-912 od 05.08.2004.godine;
- Naredba direktora UIO Broj: 02-912/1 od 06.08.2004.godine

12. Naredba stupa na snagu danom donošenja.